

Poesie scelte...

SUGNU SETTIMU SCUDERI

Sugnu Settimu Scuderi,
ascutati ascurtaturi,
sti quartini mei sinceri
ci hannu nàutru culuri.

Esti sempri puisia,
sunnù tipu di quartini,
oggi ci haiu sta fantasia,
parlu di li mei camini.

Ci haiu ciocchi e puddicini,
ci haiu un po' d'allevamentu;
fra palummi e fra jaddini
ci sarannu un cincuentu.

Li palummi su' tricentu,
ci haiu puru li cunigghia,
li mantegnu cu furmentu,
fra granuni e la canigghia.

Qualchi sordu si ci pigghia,
c'esti sempri la 'bbunanza,
usu spissu la rarigghia,
pensu puru pi la panza.

La saluti mia s'avanza,
tegnu firi sempri a Diu,
tegnu giusta la valanza,
discritucciu campunù.

Jò la rota la firriu
cu sta pocu diligenza;
ci haiu un beddu mezzu miu,
smerciu e ci haiu la licenza.

Vogghiu dillu pi cuscenza,
la firriu discretamenti,
la mia menti sempri penza
ci haiu puru la patenti.

Jò nun giru giornalmente,
mi travagghiu la campagna,
sugnu sempri ubbidienti,
lu Signuri m'accumpagna.

Sugnu jò e la me cumpagna,
li mei figghi su' spusati;
nun mi sentu re di Spagna,
semu tutti buollugiati.

'Scurtatura mi scusati,
'un haiu scienza né littura,
peni mei disgraziati,
soffri 'u donu di natura.

Stoppi: chista è la chiusura!
Cu quartini e cu sunetti
li mei versi 'un su' perfetti,
staiu sempri cu paura.

Semu junti a tarda ura,
jò cu l'anima sincera
ciau a tutti, bona sera,
bonanotti ascurtatura...

A NA SIGNURINA BEDDA

Bedda, bidduna, si' na margarita,
bedda cu la vuccuzza 'nzucarata,
bedda cu la facciuzza culurita,
bedda cu la manuzza dilicata.
L'occhi du' stiddi, tutta sapurita,
nascisti pi natura profumata;
bona furtuna quannu ti fai zita,
arrivederci bedda 'mmaculata.

Si' la megghiu ciuridda a primavera:
tu pi biddizzi porti la bannera!

CARNIVALI

Amici, sta vinennu carnivali,
ddu beddu spicchiu caiordu e manciuni;
è la distrutta di diversi armali,
porta pèrdita a tutti li pirsuni.
Pari 'n armalu ch'è senza tistali,
si senti di stu munnu lu patruni.
Le me palora la dicu sincera:
chiossai d'un jornu nu ci fazzu cera!

CU' SI FIDA 'UN DIVI ESSIRI 'NGANNATU

Macina sempri lu me sintimentu,
viu lu munnu troppu avvizziatu;
quasi chi tutti tràttanu pi 'ntentu,
ma c'esti chiddu ch'è chiù esagiratu.
Di lu tragiriaturi mi spaventu:
è chiù tintu di un latru ammastratu!
Ti vasa, riri, e ti fa tradimentu:
cu' si fida 'un divi èssiri 'ngannatu!

È troppu giustu stu significatu,
chista è na parabola severa,
ma l'omu tristu pi natura natu
si 'un fa malazioni si dispera.
Pi mia è un tirribili piccatu
fari lu mali a n'ànima sincera.
Cu' è troppu spertu, senza curpa mia,
la fini è a 'u canali o vicaria.

JIRI A LA SCOLA DOPPU VECCHIU

Sugnu ‘n mezzu l’ancunia e lu marteddu,
la curpa è sulu mia, d’àutru nuddu;
jivi a la scola nicu picciutteddu,
fici la terza e nàutru pizzuddu.
Ora chi sugnu juntu anzianeddu
‘n mezzu la terza media mi cafuddu.
Prisirenti, mi levu lu cappeddu
chì lei canusci l’anticu marzuddu.

Prèsidi e prufissura, parlu chiaru:
ci haiu settantaduanni e ancora ‘mparu!

LI DUI PINSIONI²

Ci haiu una pinsioni di lu Statu
e nàutra mi l'ha' data Gesù Cristu;
forsi chidda di Diu l'hau meritatu:
mi sentu di nun fari l'omu tristu.
Jò nudda di li dui haiu rifiutatu,
travagghiu ancora, la me vita 'nsistu.
Concludu, 'nfini, lu significatu:
quasi chi uguali a 'u giòvani risistu!
Di li dui pinsioni benvoluti
la megghiu pinsioni è la saluti!

² Pubblicata nel numero unico di poesia "Poeta Anch'io" dell'aprile 1987 in occasione del 2° Recital dei Poeti Busetani.



Giuseppe Settimo Scuderi nel corso di un recital poetico.

LI QUATTRU STAGIUNI

I

Trasiu cu tanta gioia primavera:
tuttu lu munnu si metti 'n quarura,
lu beddu sulì cu na 'rossa spera
risorgi ad ogni cosa la natura.

Càntanu l'aceddi a leta cera,
ogni pianta sboccia la so ciura;
maggìu di ciuri porta la bannerà,
giugnu diversi frutti li matura.

Tu, primavera, si' na gran putenza,
tutti di t'ia tinemu spiranza;
la bedda staciuni ognunu penza,

si mancia dintra e fora a crepapanza.

Puru lu mari duna pricidenza:
viva la primavera in abbunanza!

II

Finù la primavera, c'è l'estati:
quantu beddi turisti riuniti
tutti cu li valigi preparati,
ch'iossai nta la Sicilia viniti.

Lu beddu suli, li longhi jornati,
tutta la giuvintù vi divirtiti;
si fannu a mari li beddi scialati,
quasi chi tutti nuri li viriti.

Ch'è beddu lu staciuni di passari!
Suli abbunnanti chi veni lu cori!
Cumencia la racina a maturari,

càrrica la campagna è di trisori.
Vintunu di settembri a salutari,
na rota chi firrà, chi abbiva e mori.

III

Vintunu settembri trasi l'autunnu:
lu tempu si cumencia a tramazzari;
cancia lu tempu pi tuttu lu munnu,
li pianti si mèttinu a spugghjari.

Tutti li cuntadini chi ci sunnu
cumencianu la terra a travagghiari;
si lotta, c'è cu nata e cu va 'n funnu,
la vita esti difficili passari.

Di l'autunnu ni sugnu cuntenti,
lu pensanu lu stessu tanti e tanti;
ritòrnanu li sculara studenti,

si lotta sempri pi tirari avanti.
Cancia lu tempu a picca leggermenti
e s'avvicina lu mmernu siccanti.

IV

Vintunu dicembri cumencia lu mmernu:
trasi lu pisci spata a la tunnara;
pi fari friddu e acqua esti lu pernu,
ognunu lu cappottu si prepara.

Lu friddu è forti, trasi fora e 'nternu,
acqua abbunnanti sbucca la ciumara;
stu munnu lu furmau lu patreternu:
c'è la jornata duci e chidda amara.

S'un c'è lu mmernu lu munnu finisci,
li cosi sunnu giusti organizzati;
jò ni pensu chi ognunu lu capisci,

pòpulu si mi sbagliu mi scusati.
Nun sugnu di lu mari un grossu pisci:
chista è la puisia di mmernu e 'stati.

LU MALU FERRU PI LA MOLA SQUAGGHIA³

Un cani troppu spertu e mariolu
faccia spissu li notti dammaggiati;
li jaddineddi l'acchiappava a volu
dintra li jaddinara arrisittati.

Era un canazzu 'rossu spataiolu,
di lu patruni so 'un timìa lignati;
birbanti fu di nascita cagnolu
criscennu jia pigghiannu mali strati.

Tinìa li vicinanzi arrabbïati,
jia facennu sempri matascini;
satava mura e li riticulati
manciava ciocchi cu li puddicini.
Senza sordi faccia li gran manciati,
si mantinià grassu a du' carini
e poi durmìa cu tranquillitati
di carni e ova li ciancazzi chini.

Però ci fu na notti la so fini,
scattia pi li pècure e l'agneddi;
la mànnara satàu di riti e spini
e assicutava tutti dd'armaleddi.

³ Pubblicata ne Il Foglio di San Michele - ottobre 1984 - e nell'Antologia Poetica del Gruppo San Michele - agosto 1985.

Lu picuraru a li tappiatini
armatu curri 'n causi di peddi;
ci spara quattru corpa e l'ammazzau:
morsi lu cani, mancu fici bau.

Si 'un era dilinquenti e lazzaruni
sarissi vivu cu lu so patruni.

MAFIA MUDERNA⁴

Chi sacrilegiu, chi forti ruvina,
pòvira Nazioni Italiana!
C'è troppu aumintata sarvaggina,
fannu macellu di la carni umana.
Quantu siquestri e morti ogni matina,
spissu sona pinusa la campana;
pinsàtici vui Maria, Matri Divina,
quantu chi sta timpesta s'alluntana.

Dimocrazia tu si' la gran suprana,
partitu beddu di la libirtà,
chissu è lu veru ventu tramuntana,
la liggi di Gesù, felicità.
Però c'è lupa e tigrì fora tana,
fannu dammaggiu campagni e città
e stannu grassi cu la burduana
senza paura di l'autorità.

Perciò la cosa malamenti va,
chista è na varca chi 'un po jiri avanti,
ci voli frenu senza pïetà,
tèniri sutta chiavi ssi birbanti,

⁴ Pubblicata nell' Antologia Poetica del Gruppo San Michele dell' agosto 1985.

MAZARÀ DI TRIVICO L'AMICIZIA

esaminari giusta la rialtà,
capìri quali su' latrì e briganti;
a sicunnu l'erruri chi si fa
la fucilazioni su l'istanti!

Ci voli chissu pi tirari avanti,
senza partitu, 'un fari diffirenza;
nessunu aiutu mancu di li santi,
ognunu fari un mali poi ci penza.
Amici ascurtatura, tutti quanti,
chistu svolgi la mìa diligenza;
scusàtimi si parlu assai piccanti,
mi sentu affissu di la dilynquenza.

Nòminu a Pizzulongu amaramenti:
fracillaru la mamma e dui nuzzenti!

Buseto Palizzolo, 15 aprile 1985